



2020 йил "18" март

№ 577и

Боғот шаҳарчаси

Хоразм вилояти ҳокимининг 2020 йил 9 мартдаги "Ўзбекистон Республикаси Вазирлар Маҳкамасининг 2020 йил 5 мартдаги "Ўзбекистон Республикаси Молия вазирлиги ҳамда Қорақалпоғистон Республикаси Молия вазирлиги, вилоятлар ва Тошкент шаҳар ҳокимликлари молия бош бошқармалари ҳузуридаги Автомобиль йўлларини ривожлантириш мақсадли жамғармалари фаолиятини ташкил этиш чора-тадбирлари тўғрисида"ги 123-сонли қарори ҳақида"ги 92қ-сонли қарори ижроси тўғрисида

Ўзбекистон Республикаси Вазирлар Маҳкамасининг 2020 йил 5 мартдаги "Ўзбекистон Республикаси Молия вазирлиги ҳамда Қорақалпоғистон Республикаси Молия вазирлиги, вилоятлар ва Тошкент шаҳар ҳокимликлари молия бош бошқармалари ҳузуридаги Автомобиль йўлларини ривожлантириш мақсадли жамғармалари фаолиятини ташкил этиш чора-тадбирлари тўғрисида"ги 123-сонли ҳамда бу юзадан вилоят ҳокимининг 2020 йил 9 мартдаги 92қ-сонли қарорларининг ижросини таъминлаш мақсадида

#### ҚАРОР ҚИЛАМАН:

1. Хоразм вилояти ҳокимининг 2020 йил 9 мартдаги "Ўзбекистон Республикаси Вазирлар Маҳкамасининг 2020 йил 5 мартдаги "Ўзбекистон Республикаси Молия вазирлиги ҳамда Қорақалпоғистон Республикаси Молия вазирлиги, вилоятлар ва Тошкент шаҳар ҳокимликлари молия бош бошқармалари ҳузуридаги Автомобиль йўлларини ривожлантириш мақсадли жамғармалари фаолиятини ташкил этиш чора-тадбирлари тўғрисида"ги 123-сонли қарори ҳақида"ги 92қ-сонли қарори раҳбарлик ва ижро учун қабул қилинсин.

2. Ўзбекистон Республикаси Вазирлар Маҳкамасининг мазкур қарори билан:

Ўзбекистон Республикаси Молия вазирлиги ҳамда Қорақалпоғистон Республикаси Молия вазирлиги, вилоятлар ва Тошкент шаҳар ҳокимликлари молия бошқармалари ҳузуридаги Автомобиль йўлларини ривожлантириш мақсадли жамғармалари тўғрисидаги низом иловага мувофиқ тасдиқланганлиги;

“Ўзбекистон темир йўллари” акциядорлик жамиятининг “Кўприкқурилиш” трести УК таркибидаги “Автомобиль йўллари кўприкларини, йўл ўтказгичлар ва бошқа сунъий иншоотларни қуриш ва реконструкция қилиш дирекцияси” УК ва “Тошкент шаҳар минтақавий йўлларга буюртмачи хизмати” ДУКнинг қурилиш-таъмирлаш ишлари бошланган ва якунига етмаган объектлар бўйича буюртмачи функцияси 2020 йил якунига қадар сақлаб қолиниши белгилаб қўйилганлиги;


Вилоят ҳокимининг мазкур қарори билан:

- вилоят автомобиль йўллар ҳудудий бош бошқармаси (Қаландаров), вилоят молия бошқармаси (Искандаров)га ҳамда шаҳарлар ва туманлар ҳокимликлари билан келишилган ҳолда минтақавий автомобиль йўлларини лойиҳалаштириш, қуриш, реконструкция қилиш ва таъмирлаш объектларининг манзилли дастурларини шакллантириш вазифаси юклатилганлиги;

- вилоят молия бош бошқармаси (Искандаров) Ҳудудий жамғарма даромадлари ва ҳаражатлари прогнозини ҳамда уларнинг бажарилиши тўғрисида вилоят ҳокимлигига ҳар ойда ҳисобот бериб бориши маълумот ва ижро учун қабул қилинсин.

3. Мазкур қарорнинг бажарилишини назорат қилиш туман ҳокимининг молия-иқтисодиёт ва камбағалликни қисқартириш масалалари бўйича биринчи ўринбосари С.Қурбонов ва туман ҳокимининг ўринбосари А.Қурязов зиммасига юклатилсин.

**Боғот тумани ҳокими**



**О.Холбоев**